

॥ शिव चालीसा ॥

दोहा

जय गणेश गिरिजासुवन मंगल मूल सुजान ।
कहत अयोध्यादास तुम देउ अभय वरदान ॥

जय गिरिजापति दीनदयाला । सदा करत सन्तन प्रतिपाला ॥
भाल चन्द्रमा सोहत नीके । कानन कुण्डल नाग फनी के ॥
अंग गौर शिर गंग बहाये । मुण्डमाल तन क्षार लगाये ॥
वस्त्र खाल बाघम्बर सोहे । छवि को देखि नाग मन मोहे ॥
मैना मातु कि हवे दुलारी । वाम अंग सोहत छवि न्यारी ॥
कर त्रिशूल सोहत छवि भारी । करत सदा शत्रुन क्षयकारी ॥
नंदी गणेश सोहैं तहं कैसे । सागर मध्य कमल हैं जैसे ॥
कार्तिक श्याम और गणराऊ । या छवि कौ कहि जात न काऊ ॥
देवन जबहीं जाय पुकारा । तबहिं दुख प्रभु आप निवारा ॥
किया उपद्रव तारक भारी । देवन सब मिलि तुमहिं जुहारी ॥
तुरत षडानन आप पठायउ । लव निमेष महं मारि गिरायउ ॥
आप जलंधर असुर संहारा । सुयश तुम्हार विदित संसारा ॥
त्रिपुरासुर सन युद्ध मचाई । तबहिं कृपा कर लीन बचाई ॥
किया तपहिं भागीरथ भारी । पुरब प्रतिज्ञा तासु पुरारी ॥
दानिन महं तुम सम कोउ नाहीं । सेवक स्तुति करत सदाहीं ॥
वेद माहि महिमा तुम गाई । अकथ अनादि भेद नहीं पाई ॥
प्रकटे उदधि मंथन में ज्वाला । जरत सुरासुर भए विहाला ॥
कीन्ह दया तहं करी सहाई । नीलकंठ तब नाम कहाई ॥
पूजन रामचंद्र जब कीन्हां । जीत के लंक विभीषण दीन्हा ॥
सहस कमल में हो रहे धारी । कीन्ह परीक्षा तबहिं त्रिपुरारी ।
एक कमल प्रभु राखेउ जोई । कमल नयन पूजन चहं सोई ॥
कठिन भक्ति देखी प्रभु शंकर । भये प्रसन्न दिए इच्छित वर ॥
जय जय जय अनंत अविनाशी । करत कृपा सबके घट वासी ॥
दुष्ट सकल नित मोहि सतावैं । भ्रमत रहौं मोहे चैन न आवैं ॥
त्राहि त्राहि मैं नाथ पुकारो । यह अवसर मोहि आन उबारो ॥
ले त्रिशूल शत्रुन को मारो । संकट से मोहिं आन उबारो ॥
मात पिता भ्राता सब कोई । संकट में पूछत नहिं कोई ॥
स्वामी एक है आस तुम्हारी । आय हरहु मम संकट भारी ॥

धन निर्धन को देत सदा ही । जो कोई जांचे सो फल पाहीं ॥
 अस्तुति केहि विधि करों तुम्हारी । क्षमहु नाथ अब चूक हमारी ॥
 शंकर हो संकट के नाशन । मंगल कारण विघ्न विनाशन ॥
 योगी यति मुनि ध्यान लगावैं । शारद नारद शीश नवावैं ॥
 नमो नमो जय नमः शिवाय । सुर ब्रह्मादिक पार न पाय ॥
 जो यह पाठ करे मन लाई । ता पर होत हैं शम्भु सहाई ॥
 रनियां जो कोई हो अधिकारी । पाठ करे सो पावन हारी ॥
 पुत्र होन की इच्छा जोई । निश्चय शिव प्रसाद तेहि होई ॥
 पण्डित त्रयोदशी को लावे । ध्यान पूर्वक होम करावे ॥
 त्रयोदशी व्रत करै हमेशा । तन नहिं ताके रहै कलेशा ॥
 धूप दीप नैवेद्य चढ़ावे । शंकर सम्मुख पाठ सुनावे ॥
 जन्म जन्म के पाप नसावे । अन्त धाम शिवपुर में पावे ॥
 कहैं अयोध्यादास आस तुम्हारी । जानि सकल दुख हरहु हमारी ॥

दोहा

नित नेम उठि प्रातःही पाठ करो चालीस ।
 तुम मेरी मनकामना पूर्ण करो जगदीश ॥

अथ त्रिगुण आरती शिवजी की ।

जय शिव ओंकारा हर जय शिव ओंकारा
 ब्रह्मा विष्णु सदाशिव अधांगी धारा ॥ टेक ॥
 एकानन चतुरानन पंचानन राजे
 हंसानन गरुडासन वृषवाहन साजे ॥ जय ॥
 दो भुज चार चतुर्भुज दस भुज अति सोहे
 तीनों रूप निरखता त्रिभुवन जन मोहे ॥ जय ॥
 अक्षमाला बनमाला रुण्डमाला धारी
 चंदन मृगमद सोहै भाले शशिधारी ॥ जय ॥
 श्वेतांबर पीतांबर बाघंबर अंगे
 सनकादिक गरुडादिक भूतादिक संगे ॥ जय ॥
 कर मध्ये सुकमण्डल चक्र त्रिशूल धर्ता
 जगकर्ता जगभर्ता जगसंहारकर्ता ॥ जय ॥
 ब्रह्मा विष्णु सदाशिव जानत अविवेका
 प्रणवाक्षर ॐ मध्ये ये तीनों एका ॥ जय ॥
 काशी में विश्वनाथ विराजत नन्दो ब्रह्मचारी
 नित उठि भोग लगावत महिमा अति भारी ॥ जय ॥

त्रिगुण स्वामी की आरती जो कोई नर गावे
कहत शिवानंद स्वामी मनवांछित फल पावे ॥ जय ॥
॥ इति ॥

Please send corrections to sanskrit@cheerful.com
Last updated February 17, 1999